

ODLUKA O IZBORU NAJPOVOLJNIJEG PONUĐAČA

KONKURENTSKI ZAHTJEV ZA DOSTAVU PONUDA

Broj: 09-14-6-5990-10/17

Datum: 03.10.2017. godine

Temeljem člana 64. stav (1) tačka b), člana 70. st. (1), (3). i (6) Zakona o javnim nabavkama („Službeni glasnik BiH“, broj: 39/14) i člana 5. stav (2) Pravilnika o uspostavljanju i radu Komisije za javne nabavke, na Preporuku Stalne komisije za pripremu, pokretanje i provođenje odobrenih postupaka javne nabavke roba, vršenje usluga i izvođenja radova za 2017. godinu za Federalno ministarstvo financija–finansija za javne nabavke broj: 09-14-6-5990-8/17 od 02.10.2017. godine, u postupku javne nabavke – Usluga servisiranja i popravaka putničkih motornih vozila, Federalna ministrica financija – finansija donosi

ODLUKU o izboru najpovoljnijeg ponuđača

Član 1.

Prihvata se Preporuka Stalne komisije za javne nabavke, broj: 09-14-6-5990-8/17 od 02.10.2017. godine i ugovor za javnu nabavku - Usluga servisiranja i popravaka putničkih motornih vozila dodjeljuje se ponuđaču „**MRM**“ **export-import d.o.o. Ljubuški**, ponuda broj: 37/17 od 18.09.2017. godine za ponuđenu cijenu od **13.465,29 KM**, bez PDV-a, kao najbolje ocijenjenom ponuđaču.

Član 2.

Prijedlog ugovora o nabavci dostavit će se na potpis izabranom ponuđaču po proteku roka od 15 dana, računajući od dana kada su svi ponuđači obaviješteni o izboru najpovoljnije ponude.

Član 3.

Za izvršenje ove odluke zadužuje se i ovlašćuje Sektor za ekonomsko – finansijske i zajedničke poslove Federalnog ministarstva financija – finansija.

Član 4.

Ova odluka objavit će se na web-stranici www.fmf.gov.ba, istovremeno s upućivanjem ponuđačima koji su učestvovali u postupku javne nabavke, sukladno članu 70. stav (6) Zakona o javnim nabavkama.

Član 5.

Ova odluka stupa na snagu danom donošenja i dostavlja se svim ponuđačima koji su sudjelovali u postupku javne nabavke, sukladno članu 71. stav (2) Zakona o javnim nabavkama.

MINISTRICA

Jelka Miličević

Obrazloženje

Postupak javne nabavke pokrenut je Odlukom o pokretanju postupka javne nabavke broj: 09-14-6-5990/17 od 05.09.2017. godine. Javna nabavka je provedena putem konkurentskog zahtjeva za dostavu ponuda. Procijenjena vrijednost javne nabavke bez PDV-a je 20.000,00 KM. Obavijest o nabavci broj: 810-7-2-63-3-19/17 objavljena je na Portalu javnih nabavki dana 12.09.2017. godine.

Poziv za preuzimanje tenderske dokumentacije u sistemu „E-nabavke“ i dostavu ponude je proslijeđen sljedećim ponuđačima (istovremeno sa slanjem obavijesti na Portal javnih nabavki i objavom tenderske dokumentacije na Portalu javnih nabavki):

- Ponuđaču: „**ASA PVA**“ d.o.o. Sarajevo
- Ponuđaču: „**MRM**“ d.o.o. Ljubuški
- Ponuđaču: „**AC QUATTRO**“ d.o.o. Sarajevo

Stalna komisija za javnu nabavku imenovana je Rješenjem broj: broj: 03-05-1-1182/17 od 20.02.2017. godine.

Javno otvaranje ponuda u postupku predmetne nabavke održano je dana 28.09.2017. godine u 11:30 sati u sali br. 208. II kat zgrada Federalnog ministarstva finansija-financija, Mehmeda Spahe br. 5., Sarajevo, o čemu su sačinjeni odgovarajući zapisnici i to: Zapisnik o zaprimanju ponuda broj: 09-14-6-5990-3/17 od 28.09.2017. godine i Zapisnik o otvaranju ponuda broj: 09-14-6-5990-4/17 od 28.09.2017. godine.

Zapisnik o otvaranju ponuda proslijeđen je ponuđaču putem protokola ugovornog tijela (poštom), dana 29.09.2017. godine.

Stalna komisija za javnu nabavku je prije otvaranja ponuda zaključila sljedeće:

1. Tendersku dokumentaciju, objavljenu na Portalu javnih nabavki preuzeli su sljedeći ponuđači:

- ekipija doo
- AC QUATTRO DOO SARAJEVO
- BBS Europe
- TRIAB d.o.o.
- GUMA M D.O.O.
- SARADIS d.o.o.
- Porsche BH d.o.o. Sarajevo
- Udruženje „Balkanske istraživačke mreže“
- „M.R.M“ export-import d.o.o.
- Udruženje za borbu protiv korupcije "Transparency International" u Bosni i Hercegovini
- Autodelta d.o.o. Sarajevo
- Udruženje „U Biznis“
- Grand Automotive d.o.o.

- 2. Da je ukupan broj pristiglih ponuda 1 (jedna).
- 3. Da je blagovremeno zaprimljeno 1 (jedna) ponuda.
- 4. Da je neblagovremeno zaprimljeno 0 (nula) ponuda.
- 5. Da je koverta neoštećena, uredno zapakirana i zapečaćena.
- 6. Da je na kovertu evidentiran redni broj prema kojemu se utvrđuje redoslijed otvaranja i čitanja ponuda, prema vremenu dostavljanja na protokol ugovornog tijela.

Stalna komisija za javnu nabavku je prilikom otvaranja ponuda javno saopćila podatke o nazivu i sjedištu ponuđača, ukupnu cijenu ponude i eventualni popust, ne ulazeći u sadržaj i validnost dostavljene dokumentacije.

Stalna komisija za javnu nabavku je po okončanju otvaranja ponude, pristupila analizi i utvrđivanju validnosti zaprimljene ponude, nakon koje je utvrdila sljedeće:

- da ponuda ponuđača „**MRM**“ **export-import d.o.o. Ljubuški**, broj: 37/17 od 18.09.2017. godine u iznosu od **13.465,29 KM bez PDV-a** ispunjava sve pravne, ekonomske i tehničke uvjete utvrđene tenderskom dokumentacijom, te je ista ocijenjena kao formalno-pravno, ekonomski i tehnički **prihvatljiva**, o čemu je sačinjen Zapisnik o utvrđivanju prihvatljivosti ponuda broj: 09-14-6-5990-6/17 od 02.10.2017. godine. Predviđena e-aukcija na Portalu javnih nabavki, kako je to propisano tenderskom dokumentacijom broj: 09-14-6-5990-1/17 nije provedena, s obzirom da je pristigla samo jedna ponuda za predmetnu javnu nabavku, a sve u skladu s članom 3. stav (3) Pravilnika o uvjetima i načinu korištenja e-aukcije („Službeni glasnik BiH“, broj: 66/16).

S obzirom da ponuda ponuđača „MRM“ export-import d.o.o. Ljubuški, broj: 37/17 od 18.09.2017. godine, u potpunosti odgovara traženim zahtjevima ugovornog tijela, tj. ponuđač ispunjava sve pravne, ekonomske i tehničke uvjete utvrđene tenderskom dokumentacijom, Komisija predlaže ministrici Federalnog ministarstva financija-finansija donošenje Odluke o izboru najpovoljnijeg ponuđača, čija ponuda je ocijenjena najpovoljnijom za predmetnu nabavku usluga.

Stalna komisija za javnu nabavku dostavila je dana 02.10.2017. godine izvještaj o radu broj: 09-14-6-5990-9/17 od 02.10.2017. godine, Zapisnik o ocjeni ponuda broj: 09-14-6-5990-7/17 od 02.10.2017. godine i Preporuku o izboru najpovoljnijeg ponuđača broj: 09-14-6-5990-8/17 od 02.10.2017. godine, u postupku javne nabavke – Usluga servisiranja i popravaka putničkih motornih vozila.

U postupku donošenja ove odluke, posebno su cijenjene činjenice da je Stalna komisija za javnu nabavku, pravilno i potpuno, izvršila ocjenu kvalificiranosti ponuđača te ocjenu prispjelih ponuda, sukladno kriterijima iz Tenderske dokumentacije.

U postupku ocjene provedenog postupka, rukovoditelj ugovornog tijela nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Stalne komisije za javnu nabavku.

Naime, u postupku je ocijenjeno da je Stalna komisija za javne nabavke u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

U skladu s kriterijem najniža cijena za nabavku - Usluga servisiranja i popravaka putničkih motornih vozila dodjeljuje se ugovor ponuđaču „**MRM**“ **export-import d.o.o. Ljubuški**, broj: 37/17 od 18.09.2017. godine, za ponuđenu cijenu od **13.465,29 KM**, bez PDV-a.

Vrijednost Ugovora koji će se zaključiti po osnovu provedene nabavke iznosi **15.754,39 KM** s PDV-om na period od 1 (jedne) godine.

Cijeneći navedeno, donesena je Odluka kao u dispozitivu.

POUKA O PRAVNOM LIJEKU:

Svaki ponuđač koji ima legitimni interes u predmetnom postupku javne nabavke, a koji smatra da je ugovorno tijelo u toku postupka prekršilo jednu ili više odredbi Zakona o javnim nabavkama ima pravo uložiti žalbu u pisanoj formi u roku od 5 (pet) dana od dana prijema ove odluke u skladu s članom 99. Zakona o javnim nabavkama.

DOSTAVITI:

- Sektoru za ekonomsko – financijske i zajedničke poslove
-Arhivi